

木

州

網

目

本草綱目草部目錄第十二卷

李時珍曰天造地化而草木生焉剛交于柔而成根

莖柔交于剛而成枝幹葉萼屬陽華實屬陰由是草

中有木木中有草得氣之粹者為良得氣之戾者為

毒故有五形焉

金木水火土

五氣焉

香臭臊腥膻

五色焉

青赤黃白

黑

五味焉

酸苦甘辛鹹

五性焉

寒熱溫涼平

五用焉

升降浮沈中

炎

農嘗而辨之軒岐述而著之漢魏唐宋明賢良醫代

有增益但三品雖存淄澠交混諸條重出涇渭不分

苟不察其精微審其善惡其何以權七方衡十劑而

寄死生耶于是翦繁去複繩繆補遺析族區類振綱

分目除穀菜外凡得草屬之可供醫藥者六百一十

種分爲十類曰山曰芳曰陞曰毒曰蔓曰水曰石曰

苔曰雜曰有名未用舊本草部上中下三品共四百四十七種今併入三十一種移

二十三種入菜部三種入穀部四種入果部二種入木部自木部移併一十四種蔓草二十九種菜部移

併一十三種果部移併四種外類有名未用共二百四十七種

神農本草經一百六十四種梁陶宏景註

名醫別錄一百三十種陶宏景註。七十種有名未用

李氏藥錄一種魏李當之 吳氏本草一種魏吳普

唐本草三十四種

唐蘇恭

藥性本草一種

唐甄權

本草拾遺六十八種

唐陳藏器

食療本草二種

唐孟詵

海藥本草四種

唐李珣

四聲本草一種

唐蕭炳

開寶本草三十七種

宋馬志

嘉祐本草一十七種

宋禹錫

圖經本草五十四種

宋蘇頌

日華本草七種

宋人大明

用藥法象一種

元李杲

本草補遺一種

元朱震亨

本草會編一種

明汪機

本草綱目八十六種

明李時珍

附註

宋雷斅炮炙論
唐楊損之刪繁

北齊徐之才藥對
唐孫思邈千金

蜀韓保昇重註
宋寇宗奭衍義

南唐陳士良食性
唐慎微證類

陳承別說

元王好古湯液

明汪穎食物

陳嘉謨蒙筌

甯原食鑑

金張元素珍珠囊

吳瑞日用

王綸集要

憲王救荒

草之一 山草類上三十一種

甘草 本經

黃耆 本經

人參 本經

沙參 本經

薺 別錄

桔梗 本經

長松 拾遺

黃精 別錄

菱 本經

委蛇附

知母 本經

肉蓯蓉 本經

列當 開寶

瑣陽 補遺

赤箭 天麻 本經

朮 本經

狗脊 本經

貫眾 本經

巴戟天 本經

遠志 本經

巴棘附

百脈根

唐本

淫羊藿

本經

仙茅

開寶

玄參

本經

地榆

本經

丹參

本經

紫參

本經

王孫

本經

紫草

本經

白頭翁

本經

白及

本經

三七

綱目

右附方舊八十六新二百六十

本草綱目草部第十二卷上

草之一 山草類三十一種

甘草 本經上品

釋名 蜜甘 別錄 蜜草 別錄 美草 別錄 蔞草 別錄 靈通 珠 記事 國

老 別錄 宏景曰 此草最為眾藥之主 經方少有不

非君而為君所宗 是以能安和草石而解諸毒也 甄權曰 諸藥中甘草為君 治七十二種乳石毒 解

一干二百般草木毒 調和眾藥有功 故有國老之號

集解 別錄曰 甘草生河西川谷積沙山及上郡二 月八月除日采根 暴乾十日成 陶宏景曰 河

西上郡今不復通市 今出蜀漢中 悉從汶山諸夷 中來 赤皮斷理看之 堅實者是 抱罕草 最佳 抱罕

本草綱目草部 卷十二上 甘草 四

乃西羌地名亦有火炙乾者理多虛疎又有如鯉魚腸者被刀破不復好青州間有而不如又有紫甘草細而實乏時亦可用蘇頌曰今陝西河東州郡皆有之春生青苗高一二尺葉如槐葉七月開紫花似柰冬結實作角子如畢豆根長者三四尺粗細不定皮赤色上有橫梁梁下皆細根也采得去蘆頭及赤皮陰乾用今甘草有數種以堅實斷理者爲佳其輕虛縱理及細韌者不堪惟貨湯家用之謹按爾雅云蘆大苦郭璞注蘆似地黃又詩唐風云采芴采芴首陽之巔是也蘆與芴通用首陽之山在河東蒲坂縣乃今甘草所生處相近而先儒所說苗葉與今全別豈種類有不同者乎李時珍曰按沈括筆談云本草註引爾雅蘆大苦之註爲甘草者非矣郭璞之註乃黃蘗也其味極苦故謂之大苦非甘草也甘草枝葉悉如槐高五六尺但葉端微尖而糙濇似有白毛結角如相思角作一本生至熟時角拆子扁如小豆極堅齒嚙不破今出河東西界寇氏衍義亦取此說而不言大苦

非甘草也。以理度之。郭說形狀殊不相類。沈說近之。今人惟以大徑寸而結緊斷紋者為佳。謂之粉草。其輕虛細小者皆不及之。錙績霏雪錄言安南甘草大者如柱。土人以架屋不識。果然否也。

根脩治 雷斅曰：凡使須去頭尾尖處。其頭尾吐人每用切長三寸。擘作六七片。入甕器中。盛

用酒浸蒸。從巳至午。取出暴乾。剉細。用一法。每斤

用酥七兩塗炙。酥盡為度。又法先炮。合內外赤黃

用時珍曰：方書炙甘草皆用長流水蘸溼。炙之至

熟。刮去赤皮。或用漿水炙。熟未有酥。炙酒蒸者。大

抵補中宜。炙用。瀉火宜生用。

氣味甘平無毒 寇宗奭曰：生則微涼。味不佳。炙則溫。王好古曰：氣薄。味厚。升而浮。陽

也。入足太陰厥陰經。時珍曰：通入手足十二經。

徐之才曰：木苦參乾漆為之。使惡遠志反。大戟芫

花甘遂海藻權曰：忌豬肉。時珍曰：甘草與藻戟遂

芫四物相反。而胡洽居士治痰癖。以十棗湯加甘

草大黃乃是痰在膈上欲令通泄以拔去病根也
東垣李杲治項下結核消腫潰堅湯加海藻丹溪
朱震亨治勞瘵蓮心飲用芫花二方俱有甘草皆
本胡居士之意也故陶宏景言古方亦有相惡相
反並乃不能為害非妙達
精微者不能知此理

主治五臟六腑寒熱邪氣

堅筋骨長肌肉倍氣力金瘡癩解毒久服輕身延

年

本經○腫音
時勇切腫也

溫中下氣煩滿短氣傷臟欬嗽止

渴通經脈利血氣解百藥毒為九土之精安和七

十二種石一千二百種草

別錄

主腹中冷痛治驚癇

除腹脹滿補益五臟腎氣內傷令人陰不痿主婦

人血瀝腰痛凡虛而多熱者加用之

甄權

安魂定魄

補五勞七傷一切虛損驚悸煩悶健忘通九竅利

百脈益精養氣壯筋骨大生用瀉火熱熟用散表

寒去咽痛除邪熱緩正氣養陰血補脾胃潤肺李杲

吐肺痿之膿血消五發之瘡疽好解小兒胎毒驚

癩降火止痛時珍

稍主治生用治胸中積熱去莖中痛加酒煮延胡

索苦棟子尤妙元素

頭主治生用能行足厥陰陽明二經污濁之血消

腫導毒震亨主癰腫宜入吐藥時珍

發明

震亨曰甘草味甘大緩諸火黃中通理厚德

載物之君子也欲達下騰須用稍子杲曰甘
草氣薄味厚可升可降陰中陽也陽不足者補之
以甘甘溫能除大熱故生用則氣平補脾胃不足
而大瀉心火炙之則氣溫補三焦元氣而散表寒
除邪熱去咽痛緩正氣養陰血凡心火乘脾腹中
急痛腹皮急縮者宜倍用之其性能緩急而又協
和諸藥使之不爭故熱藥得之緩其熱寒藥得之
緩其寒寒熱相雜者用之得其平好古曰五味之
用苦泄辛散酸收鹹斂甘上行而發而木草言甘
草下氣何也蓋甘味主中有升降浮沈可上可下
可外可內有和有緩有補有泄居中之道盡矣張
仲景附子理中湯用甘草恐其僭上也調胃承氣
湯用甘草恐其速下也皆緩之之意小柴胡湯有
柴胡黃芩之寒人參半夏之溫而用甘草者則有
調和之意建中湯用甘草以補中而緩脾急也鳳
髓丹用甘草以緩腎急而生元氣也乃甘補之意
又曰甘者令人中滿中滿者勿食甘甘緩而壅氣

非中滿所宜也。凡不滿而用炙甘草爲之補，若中滿而用生甘草爲之瀉，能引諸藥直至滿所。甘味入脾，歸其所喜，此升降浮沈之理也。經云：以甘補之，以甘瀉之，以甘緩之，是矣。時珍曰：甘草外赤中黃色，兼坤離味，濃氣薄，資全土德，協和羣品，有元老之功，普治百邪，得王道之化，贊帝力而人不知。斂神功而已，不與可謂藥中之良相也。然中滿嘔吐，酒客之病，不喜其甘，而大戟、芫花、甘遂、海藻與之相反，是亦迂緩，不可以救昏昧。而君子嘗見嫉於宵人之意，與。○頌曰：按孫思邈千金方論云：甘草解百藥毒，如湯沃雪，有中烏頭、巴豆、毒甘草入腹，卽定驗。如反掌方，稱大豆汁解百藥毒，子每試之，不效，加入甘草爲甘豆湯，其驗乃奇也。又葛洪肘後備急方云：席辯刺史嘗言嶺南俚人解蠱毒藥，並是常用之物，畏人得其法，乃言三百頭牛藥，或言三百兩銀藥，久與親狎，乃得其詳。凡飲食時，先取炙熟甘草一寸嚼之，嚥汁，若中毒，隨卽吐出，仍以炙甘草三兩生薑四兩水六升煮二升，日三

服或用都淋藤黃藤二物酒煎溫常服則毒隨大便出又常帶甘草數寸隨身備急若經含甘草

而食物不吐者非毒物也三百頭牛藥即土常山也三百兩銀藥即馬兜鈴藤也詳見各條

附方 舊二十五傷寒心悸 脈結代者甘草二兩水三升煮一半服七合日一服

傷寒 傷寒咽痛 少陰證甘草湯主之用甘草二兩類要 傷寒咽痛 蜜水炙水二升煮一升半服五合

日二服 張仲景傷寒論 肺熱喉痛 有痰熱者甘草炒二兩桔梗米泔浸一夜一兩每服

五錢水一鍾半入阿膠 肺痿多涎 肺痿吐涎沫頭半片煎服 錢乙直訣 肺痿多涎 眩小便數而不

欬者肺中冷也甘草乾薑湯溫之甘草炙四兩乾薑炮二兩水三升煮一升五合分服 張仲景金

匱要 肺痿久嗽 涕唾多骨節煩悶寒熱以甘草三畧 肺痿久嗽 兩炙搗為末每日取小便三合調

甘草末一錢服 小兒熱嗽 甘草二兩豬膽汁浸五之 廣利方 宿炙研末蜜丸綠豆大

食後薄荷湯下十丸
初生解毒
小兒初生未可便

名涼膈丸
聖惠方
與硃砂蜜只以甘

草一指節長炙碎以水二合煮取一合以綿染點

兒口中可為一蜺殼當吐出胸中惡汁此後待兒

饑渴更與之令兒智慧無
初生便閉
甘草枳殼煨

病出痘稀少
王璆選方
各一錢水半

蓋煎服
小兒撮口
發噤用生甘草二錢半水一

全幼心鑑
蓋煎六分溫服令吐痰涎後

以乳汁點兒口
月內目閉不開或腫羞

中
金匱玉函
嬰兒目澀
明或出血者名慢肝風

用甘草一截以豬膽汁炙為末每
小兒遺尿
草頭

用米泔調少許灌之
幼幼新書
草頭

煎湯夜夜服之
幼幼新書
草頭

危氏得效方
煎二合一歲兒一日服

盡
姚和
小兒羸瘦
甘草三兩炙焦為末蜜丸綠

眾至寶方
豆大每溫水下五丸日二服

金匱
大人羸瘦
甘草三兩炙每旦以小便煑三

玉函
四沸頓服之良
外臺秘要
赤

本草綱目
卷十三上甘草

白痢下

崔宣州衍所傳方用甘草一尺炙劈破以淡漿水蘸水一升半煎取八合服之立效

○梅師方用甘草一兩炙肉豆蔻七個煨剉以水三升煎一升分服舌腫塞口不殺人

甘草煎濃湯熱漱太陰口瘡甘草二寸白礬一粟頻吐聖濟總錄大同嚼燕汁保命

集發背癰疽方崔元亮海上集驗方云李北海言此

搗篩末大麥麩丸兩和勻取好酥少許入內下沸水澀如餅狀方圓大於瘡一分熱傳腫上以紬片

及故紙隔令通風冷則換之已成者膿水自出未成者腫便內消仍當喫黃芪粥為妙○又一法甘

草一大兩微炙搗碎水一大升浸之器上橫一小刀子露一宿平明以物攪令沫出去沫服之但是

瘡腫發背皆甚諸般癰疽甘草三兩微炙切以酒效蘇頌圖經一斗同浸瓶中用黑鉛

一片溶成汁投酒中取出如此九度令一切癰疽病者飲酒至醉寢後即愈也經驗方一切癰疽

諸發預期服之能消腫逐毒使毒不內攻功效不可具述用大橫文粉草二斤搥碎河水浸一宿揉取濃汁再以密絹過銀石器內慢火熬成膏以蠶罐收之每服一二匙無灰酒或白湯下曾服丹藥者亦解之或微利無妨名癰疽秘塞生甘草二錢國老膏外科精要方

能疎導下惡乳癰初起仍令人啞之直指方些

小癰癰發熱時即用粉草節曬乾為末熱酒服一錢連進數服痛熱皆止外科精要方

痘瘡煩渴粉甘草炙栝樓根等分水煎服之甘陰草能通血脈發瘡痘也直指方

下懸癰生於穀道前後初發如松子大漸如蓮子數十日後赤腫如桃李成膿即破破則難

愈也用橫文甘草一兩四寸截斷以溪澗長流水一盃塘水井水不用以文武火慢慢蘸水炙之自

早至午令水盡為度劈開視之中心水潤乃止細剉用無灰好酒二小盃煎至一盃溫服次日再服

便可保無虞此藥不能急消過二十日方得消盡
興化守康朝病已破眾醫拱手服此兩劑即合口

也乃韶州劉從周方陰頭生瘡蜜炙甘草末頻頻塗
李迅癰疽方之神效千金方

陰下溼癢甘草煎湯日洗三代指腫痛甘草煎湯
五度古今錄驗漬之千金

方金凍瘡發裂甘草煎湯洗之次以黃連黃蘗黃芩
末入輕粉麻油調敷談楚翁方

湯火灼瘡甘草煎蜜塗蠱毒藥毒甘草節以真麻
李樓奇方油浸之年久愈

妙每用嚼嚙或水煎小兒中蠱欲死者甘草半兩
服神妙直指方水一盞煎五分服

當吐出牛馬肉毒甘草煮濃汁飲一二升或煎
金匱玉函酒服取吐或下如渴不可飲

水飲之即死飲饌中毒未審何物卒急無藥只煎
千金方甘草薺芩湯入口便活

金匱玉水菘蓉毒菜中有水菘蓉葉圓而光有毒
函方誤食令人狂亂狀若中風或作

吐以甘草煮汁服之即解
金匱玉函妙方

黃耆

本經上品

釋名黃芪

綱目

戴糝

本經

戴椹

別錄

又

芟草

別錄

又

百

本別錄王孫

藥性論

時珍曰

者長也

黃耆

色黃為

者

非矣

著乃著龜之著音

尸王孫與牡蒙同名異物

集解

別錄曰

黃耆生蜀郡山谷白水漢中二月十日采陰乾

宏景曰

第一出隴西洮陽色黃白

甜美今亦難得

次用黑水岩昌者色白肌理粗新

者亦甘而溫補又有蠶陵白水者色理勝蜀中者

而冷補又有赤色者可作膏貼俗方多用道家不

須恭曰今出原州及華原者最良蜀漢不復採用

直州寧州者亦佳頌曰今河東陝西州郡多有之

根長二三尺以來獨莖或作叢生枝榦去地二三

寸其葉扶疎作羊齒狀又如蒺藜苗七月中開黃
紫花其實作莢子長寸許八月中采根用其皮折
之如綿謂之綿黃耆然有數種有白水耆赤水耆
木耆功用並同而力不及白水耆木耆短而理橫
今人多以苜蓿根假作黃耆折皮亦似綿頗能亂
真但苜蓿根堅而脆黃耆至柔韌皮微黃褐色肉
中白色此為異耳承曰黃耆本出綿上者為良故
名綿黃耆非謂其柔韌如綿也今圖經所繪憲州
者地與綿上相鄰也好古曰綿上即山西沁州白
水在陝西同州黃耆味甘柔軟如綿能令人肥苜
蓿根味苦而堅脛俗呼為土黃耆能令人瘦用者
宜審嘉謨曰綿上沁州鄉名今有巡檢司白水赤
水二鄉俱屬隴西時珍曰黃耆葉似槐葉而微尖
小又似蒺藜葉而微闊大青白色開黃紫花大如
槐花結小尖角長寸許根長二三尺以緊實如箭
箠者為良嫩苗亦可燂淘茹食其子收之十月下
種如種菜
法亦可

修治

斲曰凡使勿用木者草真相似只是生時葉短并根橫也須去頭上皺皮蒸半日擘細於

槐砧上用時珍曰今人但搥扁以蜜水塗炙數次以熟為度亦有以鹽湯潤透器盛於湯瓶蒸熟

者切用

根氣味甘微溫無毒

本經

白水者冷補

別錄

元素曰

氣薄味厚可升可降陰中陽也人手足太陰氣分又入手少陽足少陰命門之才曰茯苓為之使惡

龜甲白鮮皮

主治癰疽久敗瘡排膿止痛大風癩疾五

痔鼠瘻補虛小兒百病

本經

婦人子臟風邪氣逐五

臟閒惡血補丈夫虛損五勞羸瘦止渴腹痛洩痢

益氣利陰氣

別錄

主虛喘腎衰耳聾療寒熱治發背

本草綱目 卷十三
內補甄權助氣壯筋骨長肉補血破癥癖瘰癧瘻贅

腸風血崩帶下赤白痢產前後一切病月候不勻

痰嗽頭風熱毒赤目日華治虛勞自汗補肺氣瀉肺

火心火實皮毛益胃氣去肌熱及諸經之痛元素主

太陰瘧疾陽維為病苦寒熱督脈為病逆氣裏急

好古

發明宏景曰出隴西者溫補出白水者冷補又有赤色者可作膏用消癰腫藏器曰虛而客熱

用白水黃耆虛而客冷用隴西黃耆大明曰黃耆藥中補益呼為羊肉白水耆涼無毒排膿治血及

煩悶熱毒骨蒸勞赤水耆涼無毒治血退熱毒餘功並同木耆涼無毒治煩排膿之力微於黃耆遇

闕卽倍用之元素曰黃耆甘溫純陽其用有五補
諸虛不足一也益元氣二也壯脾胃三也去肌熱
四也排膿止痛活血生血內托陰疽爲瘡家聖藥
五也又曰補五臟諸虛治脈弦自汗瀉陰火去虛
熱無汗則發之有汗則止之好古曰黃耆治氣虛
盜汗并自汗及膚痛是皮表之藥治咯血柔脾胃
是中州之藥治傷寒尺脈不至補腎臟元氣是裏
藥乃上中下內外三焦之藥也杲曰靈樞云衛氣
者所以溫分肉而充皮膚肥腠理而司開闔黃耆
既補三焦實衛氣與桂同功特比桂甘平不辛熱
爲異耳但桂則通血脈能破血而實衛氣者則益
氣也又黃耆與人參甘草三味爲除躁熱肌熱之
聖藥脾胃一虛肺氣先絕必用黃耆溫分肉益皮
毛實腠理不令汗出以益元氣而補三焦震亨曰
黃耆補元氣肥白而多汗者爲宜若面黑形實而
瘦者服之令人胸滿宜以三拗湯瀉之宗奭曰
防風黃耆世多相須而用唐許裔宗初仕陳爲新
蔡王外兵參軍時柳太后病風不能言脈沈而口

噤允宗曰既不能下藥宜湯氣蒸之藥入腠理周
時可瘥乃造黃耆防風湯數斛置於牀下氣如烟
霧其夕便得語也杲曰防風能制黃耆黃耆得防
風其功愈大乃相畏而相使也震亨曰人之口通
乎地鼻通乎天口以養陰鼻以養陽天主清故鼻
不受有形而受無形地主濁故口受有形而兼乎
無形柳太后之病不言若以有形之湯緩不及事
今投以二物湯氣滿室則口鼻俱受非智者通神
不可同生也杲曰小兒外物驚宜用黃連安神
丸鎮心藥若脾胃寒溼吐腹痛瀉痢青白宜用益
黃散藥如脾胃伏火勞役不足之證及服巴豆之
類胃虛而成慢驚者用益黃理中之藥必傷人命
當於心經中以甘溫補土之源更於脾土中以甘
寒瀉火以酸涼補金使金旺火衰風木自平矣今
立黃耆湯瀉火補金益土為神治之法用炙黃耆
二錢人參一錢炙甘草五分白芍藥五分水一大
盞煎半盞溫服機曰蕭山魏直著博愛心鑑三
卷言小兒痘瘡惟有順逆險三證順者為吉不用

藥逆者為凶不必用藥惟險乃悔吝之象當以藥轉危為安宜用保元湯加減主之此方原出東垣治慢驚土衰火旺之法今借而治痘以其內固營血外護衛氣滋助陰陽作為膿血其證雖異其理則同去白芍藥加生薑改名曰保元湯炙黃耆三錢人參二錢炙甘草一錢生薑一片水煎服之險證者初出雖起慘色不明也漿行色灰不榮也漿定也既出雖起慘色不明也漿行色灰不榮也漿定光潤不消也漿老溼潤不斂也結痂而胃弱內虛也痂落而口渴不食也痂後生癰腫也癰潰而斂遲也凡有諸症並宜此湯或加芎藭加官桂加糯米以助之詳見本書嘉謨曰人參補中黃耆實表凡內傷脾胃發熱惡寒吐泄怠臥脹滿痞塞神短脈微者當以人參為君黃耆為臣若表虛自汗亡陽潰瘍痘疹陰瘡者當以黃耆為君人參為臣不可執一也

附方

新舊五九

小便不通

綿黃耆二錢水二盞煎一盞溫服小兒減半

總微論

酒疸黃疾 心下懊痛足脛滿小便黃飲酒發赤黑

木蘭一兩為末酒服方 氣虛白濁 黃芪鹽炒半兩

每服一錢白湯 治渴補虛 男子婦人諸虛不足煩

飲食或先渴而後發瘡癩或先癰疽而後發渴並

宜常服此藥平補氣血安和臟腑終身可免癰疽

之疾用綿黃耆箭筈者去蘆六兩一半生焙一半

以鹽水潤溼飯上蒸三次焙剉粉甘草一兩一半

生用一半炙黃為末每服二錢白湯點服早晨日

午各一服亦可煎服名黃芪六一湯 外科精要

老人悶塞 綿黃耆陳皮去白各半兩為末每服三

錢用大麻子一合研爛以水瀉漿煎至

乳起入白蜜一匙再煎沸調藥空心服甚者不過

二服此藥不冷不熱常服無秘塞之患其效如神

和劑 腸風瀉血 黃耆黃連等分為末麩糊丸綠豆

局方 大每服三十丸米湯下 孫用和

秘寶 尿血沙淋 痛不可忍黃耆人參等分爲末以

蜜二兩淹炙令盡不令焦點末 吐血不止 黃耆二

食無時以鹽湯下 永類鈐方 背浮萍五錢爲末每服一 欬嗽膿血 咽乾乃虛中

錢薑蜜水下 聖濟總錄 涼藥以好黃耆四兩甘草一兩爲 肺癰得吐 黃耆

末每服二錢點湯服 席延賞方 爲末每服二錢水一中盞煎至 甲疽瘡膿 生足趾

六分溫服日三四服 聖惠方 肉突出時常舉發者黃耆二兩藺茹一兩醋浸一

宿以豬脂五合微火上煎取二合絞去滓以封瘡 口上日三度其肉 胎動不安 腹痛下黃汁黃耆川

自消 外臺秘要 芎藭各一兩糯米一 合水一升煎半升 陰汗溼癢 綿黃耆酒炒爲末以

分服 婦人良方 熟豬心點喫妙 眞人濟 癢疽內固 黃耆人參各一兩爲末入眞龍

急方 腦一錢用生藕汁和丸綠豆大

本草綱目 卷三十一
每服二十丸溫水下
日日服 本事方

莖葉主治療渴及筋攣癰腫疽瘡

別錄

人參

本經上品

釋名

人澆

音參或澆省作澆

黃參

吳普

血參

別錄

人銜

本經

鬼蓋

本經

神草

別錄

土精

別錄

地精

廣雅

海腴

廣雅

皺面還丹

廣雅

時珍曰

○

人澆年深浸漸長成者根如人形有神故謂之人
澆神草澆字從浸亦浸漸之義浸即浸字後世因
字文繁遂以參星之字代之從簡便爾然承誤日
久亦不能變矣惟張仲景傷寒論尚作澆字別錄
一名人銜銜乃澆字之訛也其成有階級故曰人
銜其草背陽向陰故曰鬼蓋其在五參色黃屬土
而補脾胃生陰血故有黃參血參之名得地之精
靈故有土精地精之名廣五行記云隋文帝時上

黨有人宅後每夜聞人呼聲求之不得去宅一里許見人參枝葉異常掘之入地五尺得人漢一如人體四肢畢備呼聲遂絕觀此則土精之名尤可證也禮斗威儀云下有人參上有紫氣春秋運斗樞云搖光星散而爲人參人君廢山瀆之利則搖光不明人參不生觀此則神草之名又可證矣

集解

別錄曰人參生上黨山谷及遼東二月四月

人形者有神普曰或生邯鄲三月生葉小銳枝黑莖有毛三月九月采根根有手足面目如人者神宏景曰上黨在冀州西南今來者形長而黃狀如防風多潤實而甘俗乃重百濟者形細而堅白氣味薄於上黨者次用高麗者高麗卽是遼東形大而虛軟不及百濟並不及上黨者其草一莖直上四五相對生花紫色高麗人作人參讚云三椹五葉背陽向陰欲來求我椹樹相尋椹音賈樹似桐甚大蔭廣則多生采作甚有法今近山亦有但作之不好恭曰人參見用多是高麗百濟者潞州太

行紫團山所出者謂之紫團參保升曰今沁州遼州澤州箕州平州易州檀州幽州媯州并州並出人參蓋其山皆與太行連亘相接故也珣曰新羅國所貢者有手足狀如人形長尺餘以杉木夾定紅絲纏飾之又沙州參短小不堪用頌曰今河東諸州及泰山皆有之又有河北權塲及閩中來者名新羅人參俱不及上黨者佳春生苗多於深山背陰近椴漆下溼潤處初生小者三四寸許一椴五葉四五年後生兩椴五葉未有花莖至十年後生三椴年深者生四椴各五葉中心生一莖俗名百尺杵三月四月有花細小如粟蕊如絲紫白色秋後結子或七八枚如大豆生青熟紅自落根如人形者神泰山出者葉榦青根白殊別江淮閒出一種土人參苗長一二尺葉如匙而小與桔梗相似相對生生五七節根亦如桔梗而柔味極甘美秋生紫花又帶青色春秋采根土人或用之相傳欲試上黨參但使二人同走一舍人參一空口度走三五里許其不含人參者必大喘含者氣息自

如其人參乃真也宗奭曰上黨者根頗纖長根下垂有及一尺餘者或十歧者其價與銀等稍爲難得土人得一窠則置板上以新綵絨飾之嘉謨曰紫團參紫色稍扁百濟參白堅且圓名白條參俗名羊角參遼東參黃潤纖長有鬚俗名黃參獨勝高麗參近紫體虛新羅參亞黃味薄肖人形者神其類雞腿者力洪時珍曰上黨今潞州也民以人參爲地方害不復采取今所用者皆是遼參其高麗百濟新羅三國今皆屬於朝鮮矣其參猶來中國互市亦可收子於十月下種如種菜法秋冬采者堅實春夏采者虛軟非地產有虛實也遼參連皮者黃潤色如防風去皮者堅白如粉僞者皆以沙參薺芩桔梗采根造作亂之沙參體虛無心而味淡薺芩體虛無心桔梗體堅有心而味苦人參體實有心而味甘微帶苦自有餘味俗名金井玉闌也其似人形者謂之孩兒參尤多贗僞宋蘇頌圖經本草所繪潞州者三椹五葉真人參也其潞州者乃沙參之苗葉沁州者皆薺芩之苗葉

其所云江淮土人參者亦薺芫也並失之詳審今潞州者尚不可得則他處者尤不足信矣近又有薄夫以人參先浸取汁自啜乃曬乾復售謂之湯參全不任用不可不察考月池翁諱言聞字子郁銜太醫吏目嘗著人參傳上下卷甚詳不能備錄亦略節要語於下條云爾

脩治

宏景曰人參易蛙虫唯納新器中密封可經年不壞炳曰人參頗見風日則易蛙虫惟用盛

過麻油瓦罐泡淨焙乾入華陰細辛與參相閒收之密封可留經年一法用淋過竈灰曬乾罐收亦可李言聞曰人參生時背陽故不喜見風日凡生用宜咬咀熟用宜隔紙焙之或醕酒潤透咬咀焙

熟用並忌鐵器

根氣味甘微寒無毒

別錄曰微溫普曰神農小寒桐君雷公苦黃帝岐伯甘無

毒元素曰性溫味甘微苦氣味俱薄浮而升陽中之陽也又曰陽中微陰○之才曰茯苓馬藷為之

使惡洩疏鹵鹹反藜蘆一云畏五靈脂惡阜茨黑
豆動紫石英元素曰人參得升麻引用補上焦之
元氣瀉肺中之火得茯苓引用補下焦之元氣瀉
腎中之火得麥門冬則生脈得乾薑則補氣杲曰
得黃耆甘草乃甘溫除大熱瀉陰火補元氣又為
瘡家聖藥震亨曰人參入手太陰與藜蘆相反服
參一兩入藜蘆一錢其功盡廢也言聞曰東垣李
氏理脾胃瀉陰火交泰丸內用人參阜茨是惡而
不惡也古方療月閉四物湯加人參五靈脂是畏
而不畏也又療痰在胸膈以人參藜蘆同用而取
涌越是激其怒性也此皆精主治補五臟安精神
微妙奧非達權衡者不能知

定魂魄止驚悸除邪氣明目開心益智久服輕身

延年本經療腸胃中冷心腹鼓痛胸脇逆滿霍亂吐

逆調中止消渴通血脈破堅積令人不忘別錄主五

本草綱目卷之七 人參

勞七傷虛損痰弱止嘔噦補五臟六腑保中守神

消胸中痰治肺痿及癰疾冷氣逆上傷寒不下食

凡虛而多夢紛紜者加之

甄權

止煩躁變酸水

李珣

消

食開胃調中治氣殺金石藥毒

大明

治肺胃陽氣不

足肺氣虛促短氣少氣補中緩中瀉心肺脾胃中

火邪止渴生津液

元素

治男婦一切虛證發熱自汗

眩運頭痛反胃吐食痲瘡滑瀉久痢小便頻數淋

瀝勞倦內傷中風中暑痿痺吐血嗽血下血血淋

血崩胎前產後諸病

時珍

發明

宏景曰人參為藥切要與甘草同功杲曰人

皆旺精自生而形自盛肺主諸氣故也張仲景云

病人汗後身熱亡血脈沈遲者下痢身涼脈微血

虛者並加人參古人血脈脫者益氣蓋血不自生須

得生陽氣之藥乃生陽生則陰長血乃旺也若單

用補血藥血無由而生矣素問言無陽則陰無以

生無陰則陽無以化故補氣須用人參羊肉之屬是

須用之本草十劑云補形氣者有無之象也好

也蓋人參補氣羊肉補形氣者有無之象也好

古曰潔古老人言以沙參代參取其味甘也雖然

人參補五臟之陽沙參補五臟之陰安得無異雖

云補五臟亦須各用本臟藥相佐使引之言聞曰

人參生用氣涼熟用氣溫味甘補陽微苦補陰氣

化溫之主 人參生用氣涼熟用氣溫味甘補陽微苦補陰氣

味地之陰也其性沈人參氣味俱薄氣之薄者生降熟升味之薄者生升熟降如土虛火旺之病則宜生參涼薄之氣以瀉火而補土是純用其氣也脾虛肺怯之病則宜熟參甘溫之味以補土而生金是純用其味也東垣以相火乘脾身熱而煩氣高而喘頭痛而渴脈洪而大者用黃蘗佐人參孫真人治夏月熱傷元氣人汗大泄欲成痿厥用生脈散以瀉熱火而救金水君以人參之甘涼瀉火而補元氣臣以麥門冬之苦甘寒清金而滋水源佐以五味子之酸溫生腎精而收耗氣此皆補天元之真氣非補熱火也白飛霞云人參鍊膏服回元氣於無何有之鄉凡病後氣虛及肺虛嗽者並宜之若氣虛有火者合天門冬膏對服之

正誤

數曰夏月少使人參發心疝之病好古曰人參甘溫補肺之陽泄肺之陰肺受寒邪宜此

補之肺受火邪則反傷肺腎真陰虛火動勞嗽吐血此酒色過度損傷肺腎真陰虛火動勞嗽吐血

欬血等證勿用之蓋人參入手太陰能補火故肺受火邪者忌之若誤服參耆甘溫之劑則病日增服之過多則死不可治蓋甘溫助氣氣屬陽陽旺則陰愈消惟宜苦甘寒之藥生血降火世人不識往往服參耆爲補而死者多矣○言聞曰孫真人云夏月服生脈散清暑益氣湯乃三伏瀉火益金之垣亦言生脈散清暑益氣湯乃三伏瀉火益金之聖藥而雷斅反謂發心疰久患非矣疰乃臍旁積氣非心病也人參能養正破堅積豈有發疰之理觀張仲景治腹中寒氣上衝有頭足上下痛不可觸近嘔不能食者用大建中湯可知矣又海藏王好古言人參補陽泄陰肺寒宜用肺熱不宜用節齋王綸因而和之謂參耆能補肺火陰虛火動失血諸病多服必死二家之說皆偏矣夫人參能補元陽生陰血而瀉陰火東垣李氏之說也明矣仲景張氏言亡血虛者並加人參又言肺寒者去人參參加乾薑無令氣壅丹溪朱氏亦言虛火可補參耆之屬實火可瀉芩連之屬二家不察三氏之

精微而謂人參補火謬哉夫火與元氣不兩立元氣勝則邪火退人參既補元氣而又補邪火是反復之小人矣何以與甘草芩朮謂之四君子耶雖然三家之言不可盡廢也惟其語有滯故守之者泥而執一遂視人參如蛇蠍則不可也凡人面白面黃面青鰲悴者皆脾肺腎氣不足可用也面赤面黑者氣壯神強不可用也脈之浮而芤濡虛大遲緩無力沉而遲瀼弱細結代無力者皆虛而不足可用也若弦長緊實滑數有力者皆火鬱內實不可用也潔古謂喘嗽勿用者痰實氣壅之喘也若腎虛氣短喘促者必用也仲景謂肺寒而欬勿用者寒束熱邪壅鬱在肺之欬也若自汗惡寒而欬者必用也東垣謂久病鬱熱在肺勿用者乃火鬱于內宜發不宜補也若肺虛火旺氣短自汗者必用也丹溪言諸痛不可驟用者乃邪氣方銳宜散不宜補也若裏虛吐利及久病胃弱虛痛喜按者必用也節齋謂陰虛火旺勿用者乃血虛火亢能食脈弦而數涼之則傷胃溫之則傷肺不受補

者也若自汗氣短肢寒脈虛者必用也如此詳審
則人參之可用不可用思過半矣機曰節齋王綸
之說本於海藏王好古但綸又過于矯激丹溪言
虛火可補須用參芪又云陰虛潮熱喘嗽吐血盜
汗等證四物加人參黃蘗知母又云好色之人肺
腎受傷欬嗽不愈瓊玉膏主之又云肺腎虛極者
獨參膏主之是知陰虛勞瘵之證未嘗不用人參
也節齋私淑丹溪者也而乃相反如此斯言一出
印定後人眼目凡遇前證不問病之宜用不宜輒
舉以藉口致使良工掣肘惟求免夫病家之怨病
家亦以此說橫之胸中甘受苦寒雖至上嘔下泄
去死不遠亦不悟也古今治勞莫過於葛可久其
獨參湯保真湯何嘗廢人參而不用耶節齋之說
誠未之深思也楊起曰人參功載本草人所共知
近因病者吝財薄醫醫復算本惜費不肯用參療
病以致輕者至重重者至危然有肺寒肺熱中滿
血虛四證只宜散寒消熱消脹補營不用人參其
說近是殊不知各加人參在內護持元氣力助羣

本草綱目卷之八

人參

二

本草綱目卷二十一
藥其功更捷若曰氣無補法則謬矣古方治肺寒以溫肺湯肺熱以清肺湯中滿以分消湯血虛以養營湯皆有人參在焉所謂邪之所轉其氣必虛又曰養正邪自除陽旺則生陰血貴在配合得宜爾庸醫每謂人參不可輕用誠哉庸也好生君子不可輕命薄醫醫亦不可計利不用書此奉勉幸

迂勿曰

附方

舊九新六十八

人參膏

用人參十兩細切以活水二

火緩緩煎取十盞瀝汁再以水十盞煎取五盞與前汁合煎成膏瓶收隨病作湯使丹溪云多慾之人腎氣衰憊欬不止用生薑橘皮煎湯化膏服之浦江鄭兄五月患痢又犯房室忽發昏運不知人事手撒目暗自汗如雨喉中痰鳴如拽鋸聲小便遺失脈大無倫此陰虧陽絕之證也予令急煎大料人參膏仍與灸氣海十八壯右手能動再三壯唇口微動遂與膏服一盞半夜後服三盞眼能

動盡三斤方能言而索粥盡五斤而痢止至十斤而全安若作風治則誤矣一人背疽服內托十宣藥已多膿出作嘔發熱六脈沉數有力此潰瘍所忌也遂與大料人參膏入竹瀝飲之參盡一十六斤竹伐百餘竿而安後經旬餘值大風拔木瘡起有膿中有紅線一道過肩胛抵右肋予曰急作參膏以芎歸橘皮作湯入竹瀝薑汁飲之盡三斤而瘡潰調理乃安若癰疽潰後氣血俱虛嘔逆不食變證不一者以參耆歸治中湯頌曰張仲景治胸術等分煎膏服之最妙治中湯瘵心中痞堅留氣結胸胸滿脇下逆氣搶心治中湯主之即理中湯人參朮乾薑甘草各三四味以水八升煮三升每服一升日三服隨證加減此方自晉宋以後至唐名醫治心腹病者無不用之或作湯或蜜丸或為散皆有奇效胡洽居士治霍亂謂之溫中湯陶隱居百一方云霍亂餘藥乃或難求而治中湯四順湯厚樸湯不可暫缺常須預合自隨也唐石泉公王方慶云數方不惟霍亂可醫諸病皆療也四

順湯用人參甘草乾薑附子炮各四君子湯治脾

虛不思飲食諸病氣虛者以此為主人參一錢白

水二鍾煎一鍾食前溫服開胃化痰不思飲食不

隨證加減和濟局方開胃化痰拘大人小兒

人參焙二兩半夏薑汁浸焙五錢為末飛羅麩作

糊丸綠豆大食後薑湯下三五丸日三服聖惠

方加陳橘皮五錢寒氣滿人參末二錢生附子末

錢經方錢生薑二錢水七合煎二合雞子脾胃虛弱不

半錢一枚打轉空心服之聖濟總錄脾胃虛弱思

清一飲食生薑半斤取汁白蜜十兩人參末四兩胃虛

銀鍋煎成膏每米飲調服一匙普濟方胃虛

惡心或嘔吐有痰人參一兩水二盞煎一盞入竹

尤宜瀝一盃薑汁三匙食遠溫服以知為度老人

簡便方胃寒嘔惡丁香藿香各二錢半橘皮五錢

生薑三片水二盞煎反胃嘔吐飲食入口即吐困

一盞溫服拔萃方黨人參三大兩拍破水一大升煮取四合熱服日

再兼以人參汁入粟米雞子白薤白煮粥與噉李直方司勳於漢南患此兩月餘諸方不瘥遂與此

方當時便定後十餘日遂入京師絳每與名醫論此藥難可為儔也食入即吐一人參半夏湯用人參

李絳兵部手集生薑十片水一斗以杓揚二百四十遍取三升霍

亂嘔惡人參二兩水一盞半煎汁一盞入雞子白

霍亂煩悶人參五錢桂心半錢水霍亂吐瀉煩躁

人參二兩橘皮三兩生薑一兩水妊娠吐水酸心

六升煮三升分三服聖濟總錄和丸梧子大每服五十丸米湯下

本草綱目卷之七人參

虛氣喘自汗盜汗氣短頭暈人參五錢熟附子一兩分爲四帖每帖以生薑十片流水二盞煎一盞食遠溫

服一盞食遠溫喘急欲絕服上方寸匕日五六服效

肘後產後發喘乃血入肺竅危症也人參末一兩蘇木二兩水二盃煮汁一盃調參

末服神效產後血暈人參一兩紫蘇半兩以童尿聖惠方醫方摘要

產後不語人參五錢水煎服婦人良方產後諸虛

發熱自汗人參當歸等分爲末用豬腰子一個去膜切小片以水三升糯米半合葱白二莖煮米熟

取汁一盞入藥煎至入產後秘塞出血多以人參分食前溫服永類方麻子仁枳殼麩

炒爲末煉蜜丸梧子大每服橫生倒產人參末乳

錢丹砂末五分研勻雞子白一枚入生薑自然汁

三匙攪勻冷服即母子俱安神效此施漢卿方也

婦人**開心益智**以人參末一兩鍊成豬肥肪十兩
良方

至百日耳目聰明骨髓充盈肌膚潤澤**聞雷即昏**
日記千言兼去風熱痰病千金方

一小兒七歲聞雷即昏倒不知人事此氣怯也以
人參當歸麥門冬各二兩五味子五錢水一斗煎

汁五升再以水五升煎滓取汁二升合煎成膏每
服三匙白湯化下服盡一斤自後聞雷自若矣

楊起簡**忽喘悶絕**方見大**離魂異疾**身外有身一
便方

樣無別但不語蓋人臥則魂歸于肝此由肝虛邪
襲魂不歸舍病名曰離魂用人參龍齒赤茯苓各

一錢水一盞煎半盞調飛過朱砂末一錢睡時服
一夜一服三夜後真者氣爽假者即化矣夏子

益怪證**怔忡自汗**心氣不足也人參半兩當歸半
奇疾方

煑至一盃半取腰子細切人參當歸同煎至八分空
心喫腰子以汁送下其滓焙乾為末以山藥末作

糊丸綠豆大每服五十九丸食遠棗湯下不過兩服
即愈此昆山神濟大師方也一加乳香二錢王

選方百一心下結氣凡心下硬按之則無常覺膨滿
由思慮過多氣不以時而行則結滯謂之結氣人

參一兩橘皮去白四兩為末煉蜜丸梧子大每米
飲下五六十房後困倦蓋半煎八分食前溫服日

再服千金不傳虛勞發熱愚魯湯用上黨人參銀
枚生薑三片水一鍾半煎七分食遠肺熱聲啞人

溫服日再服以愈為度奇效良方
二兩訶子一兩為末肺虛久欬人參末二兩鹿角

噙燕丹溪摘立
三錢用薄荷豉湯一盞葱少許入銚子煎一二沸

傾入蓋內遇欬時溫呷三五口甚佳
止嗽化痰人參末一兩明礬二兩以醞醋二升熬

磬成膏入參末煉蜜和收每以豌豆大

止嗽化痰磬成膏入參末煉蜜和收每以豌豆大

一丸放舌下其嗽即小兒喘欬發熱自汗吐紅脈

止痰自消每服半錢蜜水喘欬嗽血急嗽血吐血

調下以瘥為度經濟方喘欬嗽血急嗽血吐血

脈無力者人參末每服三錢雞子清調之五更初

服便睡去枕仰臥只一服愈年深者再服咯血者

服盡一兩甚好一方以烏鷄子水磨干遍自然化

作水調藥尤妙忌醋鹹腥醬麪鮮醉飽將息乃佳

沈存中欬嗽吐血人參黃耆飛羅麪各一兩百合

靈苑方欬嗽吐血五錢為末水丸梧子大每服五

十丸食前茅根湯下○朱氏集驗方用人參乳香

辰砂等分為末烏梅肉和丸彈子大每白湯化下

一丸日虛勞吐血甚者先以十灰散止之其人必

一服好參一兩肥棗五枚水二鍾煎一鍾服熟睡

之覺即減五六繼服調理藥葛可久十藥神書

吐血下血因七情所感酒色內傷氣血妄行口鼻

吐血下血俱出心肺脈散血如湧泉須臾不救用

本

草綱目

草部

人參焙側柏葉蒸焙荆芥穗燒存性各五錢為末
用二錢入飛羅麩二錢以新汲水調如稀糊服少

頃再啜一服立止
衄血不止
等分為末每服一錢

東流水服日三服無柳枝
齒縫出血
麥門冬各二

錢水一鍾煎七分食前溫服日再蘇東坡得此自
謂神奇後生小子多患此病子累試之累如所言

談楚翁陰虛尿血
用人參焙黃耆鹽水炙等分為末

試效方
以蜜二兩將蘿蔔逐片蘸藥食之仍以鹽湯送下以

蜜盡為度每用一片蘸藥食之仍以鹽湯送下以
瘥為度沙淋石淋
上方同消渴引飲
清調服一錢日

三四服○集驗用人參
枯樓根等分生研為末煉

蜜丸梧子大每服百丸食前麥門冬湯下日二服
以愈為度名玉壺丸忌酒麩炙燻○鄭氏家傳消

渴方人參一兩粉草二兩以雄豬膽汁浸炙腦子

半錢為末蜜丸芡子大每嚼一丸冷水下○聖濟

總錄用人參一兩葛粉二兩為末發時以燻豬湯

一升入藥三錢蜜二兩慢火熬至三合狀如黑餈

以瓶收之每夜以一匙含嚙不過三服取效也

虛癰發熱 用人參二錢二分雄黃五錢為末端午日

吞下七丸發前再服忌諸般熱物立**冷痢厥逆**六

效一方加神麴等分丹溪纂要

沈細人參大附子各一兩半每服半兩生薑十片

丁香十五粒粳米一撮水二盞煎七分空心溫服

經驗**下痢噤口** 煎人參蓮肉各三錢以井華水二盞

連三錢**老人虛痢** 不止不能飲食上黨人參

驗良方 一兩鹿角去皮炒研五錢

為末每服方寸匕米湯調**傷寒壞證** 凡傷寒時疫

下日三服藥餌困重垂死脈沉伏不省人事七

幼妊婦誤服藥餌困重垂死脈沉伏不省人事七

日以後皆可服之百不失一此名奪命散又名復

本草綱目草部卷之七人參

脈湯人參一兩水二鍾緊火煎一鍾以井水浸冷

服之少頃鼻梁有汗出脈復立瘥蘇韜光侍郎云

用此救數十人予作清流宰縣倅申屠行輔之子

婦患時疫三十餘日已成壞病令服此藥而安

王璆百傷寒厥逆此陰極發躁也無憂散用人參

一選方傷寒厥逆此陰極發躁也無憂散用人參

半兩水一鍾煎七分調牛膽南夾陰傷寒先因慾

星末二錢熱服立甦三因方夾陰傷寒先因慾

寒邪陽衰陰盛六脈沉伏小腹絞痛四肢逆冷嘔

吐清水不假此藥無以回陽人參乾薑炮各一兩

生附子一枚破作八片水四升半煎一升筋骨風

頓服脈出身溫即愈吳綬傷寒蘊要

痛一人參四兩酒浸三日曬乾土茯苓一斤山慈姑

湯下一兩為末煉蜜丸梧子大每服一百丸食前米

經驗方小兒風癩末以豕心蛤粉辰砂等分為

服五十大丸金銀湯下一日二脾虛慢驚黃耆湯見

服大有神效衛生寶鑑

下痘疹險證保和湯見黃驚後瞳斜小兒驚後瞳

參阿膠糯米炒成珠各一錢水一盞煎人不正者人

七分溫服日再服愈乃止效直指方小兒脾風

多用人參冬瓜仁各半兩南星一兩漿水煮過

為末每用一錢水半盞煎三分溫服本事方酒

毒目盲一人形實好飲熱酒忽病目盲而脈濇此

木煎湯調人參末一錢服次日鼻及兩掌皆紫黑

此滯血行矣再以四物湯加蘇木桃仁紅花陳皮

調人參末服數日酒毒生疽一婦嗜酒胸生一疽

而愈丹溪纂要脈緊而濇用酒炒人

參酒炒大黃等分為末薑湯服一狗咬風傷腫痛

錢得睡汗出而愈效丹溪醫案人參

置桑柴炭上燒存性以盥覆定蜈蚣咬傷嚼人參

少頃為末摻之立瘥經驗方蜈蚣咬傷塗之

醫學蜂蠆螫傷人參末傅之脇破腸出急以油抹

集成蜂蠆螫傷人參末傅之脇破腸出入煎人參

本草綱目卷之七十一人參

枸杞汁淋之內喫羊腎粥
十日愈
危氏得效方
氣奔恠疾
虎方見

蘆氣味苦溫無毒主治吐虛勞痰飲

時珍

發明

吳綬曰人弱者以人參蘆代瓜蒂震亨曰人參入手太陰補陰中之陽蘆則反能瀉太陰

之陽亦如麻黃苗則發汗根則止汗穀屬金而糠
之性熱麥屬陽而麩之性涼先儒謂物物具一太
極學者可不觸類而長之乎一女子性躁味厚暑
月因怒而病呃每作則舉身跳動昏冒不知人其
形氣俱實乃痰因怒鬱氣不得降非吐不可遂以
人參蘆半兩逆流水一盞半煎一大盃飲之大吐
頑痰數盈大汗昏睡一日而安又一人作勞發瘧
服瘧藥變為熱病舌短痰嗽六脈洪數而滑此痰
蓄胸中非吐不愈以參蘆湯加竹瀝二服湧出
膠痰三塊次與人參黃耆當歸煎服半月乃安
沙參
上品
校正
未用部羊乳

釋名 白參吳普 知母別錄 羊乳別錄 羊婆孃綱目 鈴兒草別錄

虎鬚別錄 苦心宏景曰 此與人參玄參丹參苦參是

為五參其形不盡相類而主療頗同故皆有參名

又有紫參乃牡蒙也時珍曰 沙參白色宜於沙地

故名其根多白汁俚人呼為羊婆孃別錄 有名未

用羊乳即此也此物無心味淡而別錄一名苦心

又與知母同名不知所謂也鈴兒草象花形也

集解 別錄曰 沙參生河內川谷及兔句般陽續山

二月八月采根暴乾又名羊乳一名地黃三

月采立夏後母死恭曰 出華山者為善普曰 二月

本草綱目草部

卷二十一 沙參

三

大如指許赤黃色中正白實者佳二月八月采根而土生者葉有細有大花白瓣上仍有白黏此爲小異藏器曰羊乳根如薺芩而圓大小如拳上有角節折之有白汁人取根當薺芩苗作蔓折之有白汁時珍曰沙參處處山原有之二月生苗葉如初生小葵葉而團扁不光八九月抽莖高一二尺莖上之葉則尖長如枸杞葉而小有細齒秋月葉閒開小紫花長二三分狀如鈴鐸五出白蕊亦有白花者並結實大如冬青實中有細子霜後苗枯其根生沙地者長尺餘大一虎口黃土地者則短而小根莖皆有白汁八九月采者白而實春月采者微黃而虛小人亦往往繫蒸壓實以亂人參但體輕鬆味淡而短耳

根氣味苦微寒無毒

別錄曰羊乳溫無毒普曰沙參岐伯鹹神農黃帝扁鵲無

毒李當之大寒好古曰甘微苦之才曰惡防己反藜蘆

主治血積驚氣除寒

熱補中益肺氣

本經

療胃痹心腹痛結熱邪氣頭痛

皮閒邪熱安五臟久服利人又云羊乳主頭腫痛

益氣長肌肉

別錄

去皮肌浮風疝氣下墜治常欲眠

養肝氣宣五臟風氣

甄權

補虛止驚煩益心肺并一

切惡瘡疥癬及身癢排膿消腫毒大清肺火治久

欬肺痿

時珍

發明

元素曰肺寒者用人參肺熱者用沙參代之取其味甘也好古曰沙參味甘微苦厥陰本

經之藥又為脾經氣分藥微苦補陰甘則補陽故潔古取沙參代人參蓋人參性溫補五臟之陽沙

參性寒補五臟之陰雖云補五臟亦須各用本臟藥相佐使隨所引而相輔之可也時珍曰人參甘

苦溫其體重實專補脾胃元氣因而益肺與腎故
內傷元氣者宜之沙參甘淡而寒其體輕虛專補
肺氣因而益脾與腎故金能受火尅者宜之一
補陽而生陰一補陰而制陽不可不辨之也

附方

舊一肺熱欬嗽之沙參半兩水煎服卒得疝氣
新二衛生易簡方

小腹及陰中相引痛如絞自汗出欲死者沙
參搗篩為末酒服方寸匕立瘥肘後方 婦人

白帶

多因七情內傷或下元虛冷所致沙參
為末每服二錢米飲調下 證治要訣

薺芎

音齊尼並上聲
○別錄中品

校正

併入圖
經杏參

釋名

杏參 經圖 杏葉沙參 救荒蔗芎 蔗音底 甜桔梗 綱

白麩根

救荒苗名隱忍 時珍曰薺芎多汁有濟芎之
狀故以名之濟芎濃露也其

根如沙參而葉如杏故河南人呼為杏葉沙參蘇
頌圖經杏參即此也俗謂之甜桔梗爾雅云芎蔗

芑也郭璞云卽薺芑也隱忍說見下文

集解宏景曰薺芑根莖都似人參而葉小異根味甜絕能殺毒以其與毒藥共處毒皆自然歇

不止入方家用也又曰魏文帝言薺芑亂人參卽此也薺芑葉甚似桔梗但葉下光明滑澤無毛爲

異又不如人參相對耳恭曰人參苗似五加而潤短莖圓有三四椹椹頭有五葉陶引薺芑亂人參

誤矣且薺芑桔梗又有葉差互者亦有葉三四對者皆一莖直上葉旣相亂惟以根有心爲別爾頌

曰今川蜀江浙皆有之春生苗莖都似人參而小異根似桔梗但無心爲異潤州陝州尤多人家收

以爲果或作脯啖味甚甘美兼可寄遠二月八月采根暴乾承曰今人多以蒸過壓扁亂人參但味

淡爾宗奭曰陶以根言故云薺芑亂人參蘇以苗言故以陶爲誤也機曰薺芑苗莖與桔梗相似其

根與人參相亂今言苗莖都似人參近於誤也當以人參薺芑桔梗三註參看自明矣時珍曰薺芑

本草綱目卷之二十一 薺芑

苗似桔梗根似沙參故姦商往往以沙參薺芩通
 亂人參蘇頌圖經所謂杏參周憲王救荒本草所
 謂杏葉沙參皆此薺芩也圖經云杏參生淄州田
 野根如小菜根土人五月采苗葉治欬嗽上氣救
 荒本草云杏葉沙參一名白麩根苗高一二尺莖
 色清白葉似杏葉而小微尖而背白邊有又牙杪
 間開五瓣白盃子花根形如野胡蘿蔔頗肥皮色
 灰黝中閒白色味甜微寒亦有開碧花者嫩苗煤
 熟水淘油鹽拌食根換水煮亦可食人以蜜煎充
 果又陶宏景註桔梗言其葉名隱忍可煮食之治
 蠱毒謹按爾雅云莠隱忍也郭璞註云似蘇有
 江東人藏以為菹亦可淪食葛洪肘後方云隱忍
 草苗似桔梗人皆食之搗汁飲治蠱毒據此則隱
 忍非桔梗乃薺芩苗也薺芩苗甘可食桔梗苗苦
 不可食尤為可證神農本草經無薺芩止有桔梗一
 名薺芩至別錄始出薺芩蓋薺芩桔梗乃一類有
 甜苦二種則其苗
 亦可呼為隱忍也

根氣味甘寒無毒主治解百藥毒別錄殺蠱毒治蛇

蠱咬熱狂溫疾署毒箭大利肺氣和中明目止痛

蒸切作羹粥食或作齏菹食咎食之壓丹石發動

孟詵主欬嗽消渴強中瘡毒疔腫辟沙蝨短狐毒時珍

發明時珍曰薺芩寒而利肺甘而解毒乃良品也

兼解眾毒者惟薺芩汁濃飲二升或煮嚼之亦可

作散服此藥在諸藥中毒皆自解也又張鷟朝野

僉載云各醫言虎中藥箭食清泥而解野豬中藥

箭脛薺芩而食物猶知解毒何況人乎又孫思邈

千金方治強中為病莖長興盛不交精出消渴之

後發為癰疽有薺芩丸豬腎薺芩湯方此皆本草

本草綱目

卷七上上薺芩

三

附方 新舊四強中消渴 豬腎薺芩湯治強中之病莖

之後即發癰疽皆由恣意色慾或餌金石所致宜

此以制腎中熱也用豬腎一具薺芩石膏各三兩

人參茯苓磁石知母葛根黃芩栝樓根甘草各二

兩黑大豆一升水一斗半先煮豬腎大豆取汁一

斗去滓下藥再煮三升分三服後人名為石子薺

芩湯○又薺芩丸用薺芩大豆茯苓神磁石栝樓根

熟地黃地骨皮玄參石斛鹿茸各一兩人參沉香

各半兩為末以豬肚治淨煮爛杵和丸梧子大每

服七十丸空心鹽疔瘡腫毒生薺芩根搗汁服一

湯下並千金方合以滓傳之不過三

度 千 面上疔炮 薺芩肉桂各一兩為末每用方

金翼方 寸七 酢漿服之日一服又減癥

瘕 聖 解諸蠱毒 立瘥 陳延之小品方 解鉤

濟總錄 解諸蠱毒 立瘥 陳延之小品方 解鉤

吻毒 八兩水六升煮取三升每服五合日五服

吻毒 八兩水六升煮取三升每服五合日五服

吻毒 八兩水六升煮取三升每服五合日五服

吻毒 八兩水六升煮取三升每服五合日五服

仲景金匱玉函解五石毒齋芑生搗汁多服之
蘇頌圖經

隱忍葉氣味甘苦寒無毒主治蠱毒腹痛面目青

黃林露骨立煮汁一二升飲時珍主腹臍風壅欬嗽

上氣蘇頌

桔梗本經
下品

釋名白藥別錄梗草別錄齋芑本經
時珍曰此草之根

本草一名利如一名符扈一名房圖方書並無見
蓋亦庾詞爾桔梗齋芑乃一類有甜苦二種故本

經桔梗一名齋芑而今俗呼齋芑為甜桔梗也至
別錄始出齋芑條分為二物然其性味功用皆不

同當以別錄為是

集解

別錄曰桔梗生嵩高山谷及冤句一八月采根

生苗宏景曰近道處處有之二三月生苗可煮食

桔梗療蠱毒甚驗俗方用此乃名薺芑今別有薺

芑能解藥毒可亂人參葉甚相似但薺芑葉下光

明滑澤無毛為異葉生又不如人參相對耳恭曰

薺芑桔梗葉有差互者亦有葉三四對者皆一莖

直上葉既相亂惟以根有心為別耳頌曰今在處

有之根如指大黃白色春生苗莖高尺餘葉似杏

葉而長橢四葉相對而生嫩時亦可煮食夏開小

花紫碧色頗似牽牛花秋後結子八月采根其根

有心若無心者為薺芑關中所出桔梗根黃皮似

蜀葵根莖細青色葉

小青似菊葉也

根脩治

數曰凡使勿用木梗真似桔梗只是咬之

分已來并兩畔附枝于槐砧上細剉用生百合搗

膏投水中浸一伏時瀘出緩火熬令乾用每桔梗

四兩用百合二兩五錢時珍曰今但刮校補畏龍
去浮皮米泔水浸一夜切片微炒用

氣味辛微溫有小毒普曰神農醫和苦無毒黃帝

李當之大寒權曰苦辛時珍曰當以苦辛平為是

之才曰節皮為之使畏白芨龍膽草忌豬肉得牡

蠣遠志療恚怒得消石石膏療傷寒白粥解其酸
味時珍曰伏砒徐之才所云節皮不知何物也

主治胸脇痛如刀刺腹滿腸鳴幽幽驚恐悸氣本經

利五臟腸胃補血氣除寒熱風痹溫中消穀療喉

咽痛下蠱毒別錄治下痢破血積氣消聚痰涎去肺

熱氣促嗽逆除腹中冷痛主中惡及小兒驚癇甄權

下一切氣止霍亂轉筋心腹脹痛補五勞養氣除

邪辟溫破癥瘕肺癰養血排膿補內漏及喉痹明大

利竅除肺部風熱清利頭目咽噎胸膈滯氣及痛

除鼻塞元治寒嘔李主口舌生瘡赤目腫痛時

發明好古曰桔梗氣微溫味苦辛味厚氣輕陽中

元素曰桔梗清肺氣利咽喉其色白故為肺部引

經與甘草同行為舟楫之劑如大黃苦泄峻下之

藥欲引至胸中至高之分成功須用辛甘之劑升

之譬如鐵石入江非舟楫不載所以諸藥有此一

味不能下沉也時珍曰朱肱活人書治胸中痞滿

不痛用桔梗枳殼取其通肺利膈下氣也張仲景

傷寒論治寒實結胸用桔梗貝母巴豆取其溫中

消穀破積也又治肺癰唾膿用桔梗甘草取其苦

辛清肺甘溫瀉火又能排膿血補內漏也其治少

陰證二三日咽痛亦用桔梗甘草取其苦辛散寒

甘平除熱合而用之能調寒熱也後人易名甘桔
湯通治咽喉口舌諸病宋仁宗加荆芥防風連翹
遂名如聖湯極言其驗也按王好古醫壘元戎載
之頗詳云失音加訶子聲不出加半夏上氣加陳
皮涎嗽加知母貝母欬渴加五味子酒毒加葛根
少氣加人參嘔加半夏生薑唾膿血加紫菀肺痿
加阿膠胸膈不利加枳殼心胸痞滿加枳實目赤
加卮子大黃面腫加茯苓皮膚痛加黃耆發斑加防
風荆芥疫毒加鼠黏子大黃不得眠加卮子震亨
曰乾欬嗽乃痰火之邪鬱在肺中宜苦梗以開之
痢疾腹痛乃肺金之氣鬱在大腸亦宜苦梗開之
後用痢藥此藥能開提氣血故氣藥中宜用之

附方 舊十 **胸滿不痛** 桔梗枳殼等分水二鍾煎傷
新七 一鍾溫服 南陽活人書

寒腹脹 陰陽不和也 桔梗半夏湯主之 桔梗半夏
陳皮各三錢薑五片水二鍾煎一鍾服

南陽活人書 **痰嗽喘急** 桔梗一兩半為末用童子小便
半升煎四合去滓溫服 簡要

本草綱目 卷十一 上 桔梗

濟眾 肺癰欬嗽 胸滿振寒脈數咽乾不渴時出濁唾腥臭久久吐膿如粳米粥者桔

梗湯主之 桔梗一兩甘草二兩水三升煮一升分溫再服朝暮吐膿血則瘥 張仲景金匱玉函方

喉痹毒氣 桔梗二兩水三升煎少陰咽痛 少陰證

咽痛者可與甘草湯不瘥者與桔梗湯 主之 桔梗一兩甘草二兩水三升煮一升分服 張仲景傷

寒口舌生瘡 上方同 齒齩腫痛 桔梗薏苡仁等分 骨

槽風痛 牙齦腫痛桔梗為末棗瓢和丸 阜子大牙

疝臭爛 桔梗香等分燒研 肝風眼黑 目睛痛肝

梗丸主之 桔梗一斤黑牽牛頭末三兩為末 蜜丸

梧子大每服四十丸 溫水吞 日二服 保命集

鼻出衄血 桔梗為末水服方寸七 日四吐血下血

方同 打擊瘀血 在腹內久不消時發動者桔梗為末米湯下一刀圭 肘後要方

中蠱下血 如雞肝晝夜出血石餘四臟皆損惟心未毀或鼻破將死者苦桔梗為末以酒

服方寸匕日三服不能下藥以物拗口灌之心中當煩須臾自定七日止常食豬肝臞以補之神良

一方加犀角等分 妊娠中惡 心腹疼痛桔梗一兩初虞古今錄驗 判水一鍾生薑三片煎六分溫服 小兒客忤 死不能言桔梗燒研三錢

聖惠方 張文仲 備急方 米湯服之仍吞麝香少許

蘆頭主治吐上膈風熱痰實生研末白湯調服一

錢探吐 時珍

長松 拾遺

本草綱目卷之... 桔梗 長松 三

本草綱目 卷十一
釋名 仙茆 時珍曰其葉如松服之長年

集解 藏器曰長松生關內山谷中葉似松葉上有

薺芄長三五寸味甘微苦類人參清香可愛按張

天覺文集云僧普明居五臺山患大風眉髮俱墮

哀苦不堪忽遇異人教服長松示其形狀明采服

之旬餘毛髮俱生顏色如故今并代間土人多以

長松雜甘草山藥為湯煎甚佳然本草及方書皆

不載獨釋慧祥清涼傳始敘其詳如此韓愈醫通

云長松產太行西北

諸山根似獨活而香

根氣味甘溫無毒主治風血冷氣宿疾溫中去風

藏器治大風惡疾眉髮墮落百骸腐潰每以一兩入

甘草少許水煎服旬日即愈又解諸蟲毒補益長

年時珍

附方

一新長松酒

滋補一切風虛乃廬山休休子所傳長松一兩五錢狀似獨活而香

乃酒中聖藥也熟地黃八錢生地黃黃芪蜜炙陳皮各七錢當歸厚朴黃蘗各五錢白芍藥煨人參枳殼各四錢蒼朮米泔製半夏製天門冬麥門冬砂仁黃連各三錢木香蜀椒胡桃仁各二錢小紅棗肉八個老米一撮燈心五寸長一百二十根一料分十劑絹袋盛之凡米五升造酒一尊煮一袋審久乃飲韓氏醫通

黃精

別錄上品

校正

併入拾遺救荒草

釋名

黃芝

經瑞草

戊己芝

經五符

菟竹

別錄

鹿竹

別錄

仙人

餘糧

宏景

救窮草

別錄

米舖

蒙筌

野生薑

蒙筌

重樓

別錄

雞格

別錄龍銜廣雅垂珠頌曰隋時羊公服黃精法云黃精

及一名仙人餘糧一名苟格一名馬箭一名垂珠

一名菟竹時珍曰黃精為服食要藥故別錄列于

草部之首仙家以為芝草之類以其得坤土之精

粹故謂之黃精五符經云黃精獲天地之涓精故

名為戊己芝是此義也餘糧救窮以功名也鹿竹

菟竹因葉似竹而鹿兔食之也垂珠以子形也陳

氏拾遺救荒草即此也今併為一嘉謨曰根如嫩

薑俗名野生薑九蒸九曝可以代糧又名米舖

集解別錄曰黃精生山谷二月采根陰乾宏景曰

而短根似菱蕤菱蕤根如荻根及菖蒲概節而平

直黃精根如鬼白黃連大節而不平雖燥並柔有

脂潤俗方無用此而為仙經所貴根葉花實皆可

餌服酒散隨宜具在斷穀方中其葉乃與鉤吻相

似惟莖不紫花不黃為異而人多惑之其類乃殊

遂致死生之反亦為奇事敦曰鉤吻真似黃精只

遂致死生之反亦為奇事敦曰鉤吻真似黃精只

是葉頭尖有毛鉤子二箇若誤服之害人黃精葉
 似竹也恭曰黃精肥地生者即大如拳薄地生者
 猶如拇指指萎蕤肥根頗同小者肌理形色大都相
 似今以鬼白黃連為比殊無彷彿黃精葉似柳及
 龍膽徐長卿輩而堅其鉤吻蔓生葉如柿葉殊非
 比類藏器曰黃精葉偏生不對者名偏精功用不
 如正精正精葉對生鉤吻乃野葛之別名二物殊
 不相似不知陶公憑何說此保昇曰鉤吻一名野
 葛陶說葉似黃精者當是蘇說葉似柿者當別是
 一物頌曰黃精南北皆有以嵩山茅山者為佳三
 月生苗高一二尺以來葉如竹葉而短兩兩相對
 莖梗柔脆頗似桃枝本黃末赤四月開青白花狀
 如小豆花結子白如黍粒亦有無子者根如嫩生
 薑而黃色二月采根蒸過暴乾用今遇八月采山
 中人九蒸九暴作果賣黃黑色而甚甘美其苗初
 生時人多采為菜茹謂之筆菜味極美江南人說
 黃精苗葉稍類鉤吻但鉤吻葉頭極尖而根細而
 蘇恭言鉤吻蔓生恐南北所產之異耳時珍曰黃

精野生山中亦可劈根長二寸稀種之一年後極稠子亦可種其葉似竹而不尖或兩葉三葉四五葉俱對節而生其根橫行狀如萎蕤俗采其苗燂熟淘去苦味食之名筆管菜陳藏器本草言青黏是萎蕤見萎蕤發明下又黃精鈎吻之說陶宏景雷斅韓保昇皆言二物相似蘇恭陳藏器皆言不相似蘇頌復設兩可之辭今攷神農本草吳普本草並言鈎吻是野葛蔓生其莖如箭與蘇恭之說相合張華博物志云昔黃帝問天姥曰天地所生有食之令人不死者乎天姥曰太陽之草名黃精食之可以長生太陰之草名鈎吻不可食之入口立死人信鈎吻殺人不信黃精之益壽不亦惑乎按此但以黃精鈎吻相對待而言不言其相似也陶氏因此遂謂二物相似與神農所說鈎吻不合恐當以蘇恭所說為是而陶雷所說別一毒物非鈎吻也歷代本草惟陳藏器辨物最精審尤當信之餘見

鈎吻條

根脩治

數曰凡采得以溪水洗淨蒸之從巳至子薄切暴乾用頌曰羊公服黃精法二月三

月采根入地八九寸為上細切一石以水二石五斗煮去苦味漉出囊中壓取汁澄清再煎如膏乃止以炒黑黃豆末相和得所捏作餅子如錢大初服二枚日益之亦可焙乾篩末水服洗曰餌黃精法取甕子去底釜內安置得所入黃精令滿密蓋蒸至氣溜卽暴之如此九蒸九暴若生則刺人咽喉若服生者初時只可一寸半漸漸增之十日不食服止三尺五寸三百日後盡見鬼神久必昇天根葉花實皆可食之但以相對者是正不對者名偏精也

氣味甘平無毒

權曰寒時珍曰忌梅實花葉子並同

主治補中益氣

除風溼安五臟久服輕身延年不飢別錄補五勞七

傷助筋骨耐寒暑益脾胃潤心肺單服九蒸九暴

食之駐顏斷穀大補諸虛止寒熱填精髓下三尸

蟲時珍

發明時珍曰黃精受戊己之淳氣故為補黃宮之勝品土者萬物之母母得其養則水火既濟

木金交合而諸邪自去百病不生矣神仙芝草經

云黃精寬中益氣使五臟調良肌肉充盈骨髓堅

強其力增倍多年不老顏色鮮明髮白更黑齒落

更生又能先下三尸蟲上尸名彭質好寶貨百日

下中尸名彭矯好五味六十日下下尸名彭居好

五色三十日下皆爛出也根為精氣花實為飛英

皆可服食又按雷氏炮炙論序云駐色延年精煎

神錦註云以黃精自然汁拌研細神錦于柳木甑

中蒸七日以木蜜丸服之木蜜枳棋也神錦不知

是何物或云朱砂也禹錫曰按抱朴子云黃精服

其花勝其實服其實勝其根但花難得得其生花

十斛乾之纔可得五六斗爾非大有力者不能辦

也日服三合服之十年乃得其益其斷穀不及朮
朮餌令人肥健可以負重涉險但不及黃精甘美
易食凶年可與老少代糧謂之米舖也慎微曰徐
鉉稽神錄云臨川士家一婢逃入深山中久之見
野草枝葉可愛取根食之久久不飢夜息大樹下
聞草中動以為虎攫上樹避之及曉下地其身歘
然凌空而去若飛鳥焉數歲家人采薪見之捕之
不得臨絕壁下網圍之俄而騰上山頂或云此婢
安有仙骨不過靈藥服食爾遂以酒饌置往來之
路果來食訖遂不能去擒之具述其故指所食之
草卽是黃精也

附方 舊一服食法 聖惠方用黃精根莖不限多少
新四 細剉陰乾搗末每日水調末服

任多少一年內變老為少久久成地仙臞仙神隱
書以黃精細切一石用水二石五斗煮之自旦至
夕候冷以手接碎布袋榨取汁煎之渣焙乾為末
同入釜中煎至可丸丸如雞頭子大每服一丸日三

服絕糧輕身除百病渴則飲水補肝明目黃精二斤蔓菁子一斤淘

心每米飲下二錢日二大風癩瘡營氣不清久風入脈因而成癩

鼻壞色敗用黃精根去皮潔淨溪水洗二斤暴補

納粟米飯中蒸至米熟時食之聖濟總錄虛精氣黃精枸杞子等分搗作餅日乾為末煉蜜丸梧子大每湯下五十丸奇效良方

萎蕤音威綉。本經上品。

釋名女萎本經葳蕤吳普萎移音威委萎爾雅萎香綱目熒

爾雅玉竹別錄地節別錄時珍曰按黃公紹古今韻

音行根長多鬚如冠纓下垂之綉而有威儀故以名之

凡羽蓋旌旗之纓綉皆象葳蕤是矣張氏瑞應圖云王者禮備則葳蕤生于殿前一名萎香則威儀之義於此可見別錄作萎蕤有文也說文作萎移

音相近也爾雅作委菱字相近也其葉光瑩而象竹其根多節故有熒及玉竹地節諸名吳普本草又有烏女蟲蟬之名宋本一名馬薰卽烏菱之訛者也

正誤宏景曰本經有女菱無菱蕤別錄無女菱有菱蕤而功用正同疑女菱卽菱蕤惟名異爾

恭曰女菱功效故別錄墨書乃菱蕤全別今本經朱書

是女菱功效故別錄墨書乃菱蕤全別今本經朱書

本草女菱菱蕤同傳陶云是一物蘇云二物不同

於中品別出女菱一條然其主霍亂洩痢腸鳴正

與上品菱蕤相合則是更非二物矣頌曰觀古方

書所用胡洽治時氣洞下有女菱丸治傷寒冷下

結腸丸中用女菱治虛勞下痢小黃耆酒中加女

菱詳此數方所用乃似中品女菱緣其性溫主霍

亂洩痢故也又治賊風手足枯痺四肢拘攣茵積

酒中用女菱初虞世治身體癱瘍斑駁有女菱膏

乃似上品本經朱書女菱緣其主中風不能動搖及去疝好色故也又治傷寒七八日不解續命鼈

甲湯及治腳弱鼈甲湯並用萎蕤及延年方治風熱項急痛四肢骨肉煩熱有萎蕤飲又主虛風熱發即頭痛有萎蕤乃似上品別錄墨書萎蕤緣其主虛熱溫毒腰痛故也二者既別則非一物明矣且萎蕤甘平女萎辛溫安得為一物時珍曰本經女萎乃爾雅委萎二字即別錄萎蕤也上古鈔寫訛為女萎爾古方治傷寒風虛用女萎者即萎蕤也皆承本草之訛而稱之諸家不察因中品有女萎名字相同遂致費辯如此今正其誤只依別錄書萎蕤為綱以便尋檢其治洩痢女萎乃蔓草也

條見本

集解

別錄曰萎蕤生太山山谷及邱陵立春後采陰乾普曰葉青黃色相值如薑葉二月七月

采宏景曰今處處有之根似黃精小異服食家亦

用之頌曰今滁州舒州及漢中均州皆有之莖幹

強直似竹箭籜有節葉狹而長表白裏青亦類黃

精而多鬚大如指長一二尺或云可啖三月開青

花結圓實時珍曰處處山中有之其根橫生似黃精差小黃白色性柔多鬚最難燥其葉如竹兩兩相值亦可采根種之極易繁也嫩葉及根並可煮陶食茹

根脩治

教曰凡使勿用黃精並鉤吻二物相似為蕤節上有鬚毛莖斑葉尖處有小黃點為

不同采得以竹刀刮去節皮洗淨以蜜水浸一宿蒸了焙乾用

氣味甘平無毒

普曰神農苦桐君雷公扁鵲甘無毒黃帝辛之才曰畏鹵鹹

主

治女萎主中風暴熱不能動搖跌筋結肉諸不足

久服去面黑黥好顏色潤澤輕身不老本經女萎主

心腹結氣虛熱溼毒腰痛莖中寒及目痛眦爛淚

出別錄時疾寒熱內補不足去虛勞客熱頭痛不安

加而用之良甄權補中益氣蕭炳除煩悶止消渴潤心

肺補五勞七傷虛損腰腳疼痛天行熱狂服食無

忌大明服諸石人不調和者煮汁飲之宏景主風溫自

汗灼熱及勞瘡寒熱脾胃虛乏男子小便頻數失

精一切虛損時珍

發明杲曰萎蕤能升能降陽中陰也其用有四主

生黑野時珍曰萎蕤性平味甘柔潤可食故朱肱

南陽活人書治風溫自汗身重語言難出用萎蕤

湯以之為君藥子每用治虛勞寒熱疔瘡及一切
不足之證用代參者不寒不燥大有殊功不止于
去風熱溼毒而已此昔人所未闡者也藏器曰陳
壽魏志樊阿傳云青黏一名黃芝一名地節此即

萎蕤極似偏精本功外主聰明調血氣令人強壯
和漆葉為散服主五臟益精去三蟲輕身不老變
白潤肌膚暖腰腳惟有熱不可服晉嵇紹有胸中
寒疾每酒後苦唾服之得愈草似竹取根花葉陰
乾用昔華陀入山見仙人所服以告樊阿服之壽
百歲也頌曰陳藏器以青黏即葳蕤世無識者未
敢以為信然時珍曰蘇頌註黃精疑青黏是黃精
與此說不同今攷黃精萎蕤性味功用大抵相近
而萎蕤之功更勝故青黏一名黃芝與黃精同
名一名地節與萎蕤同名則二物雖通用亦可

附方

舊一
新六

服食法

以二月九月采萎蕤根切碎一石
水二石煮之從旦至夕以手

接爛布囊榨取汁熬稠其渣曬為末同熬至可丸
丸如雞頭子大每服一丸白湯下日三服導氣脈
強筋骨治中風溼毒去面皺顏
色久服延年 矚仙神隱書 **赤眼瀉痛** 萎蕤赤
歸黃連等分煎湯薰 **眼見黑花** 赤痛昏暗甘露湯
洗 衛生家寶方

服二錢水一盞入薄荷二葉生薑一片蜜少小便
許同煎七分臥時溫服日一服 聖濟總錄

卒淋 萎蕤一兩芭蕉根四兩水二大盃煎一盃發
半入滑石二錢分三服 太平聖惠方

熱口乾 小便澇用萎蕤五兩煎 乳石發熱 萎蕤三
汁飲之外臺祕要 兩炙甘

草二兩生犀角一兩水四升 癰後虛腫 小兒癰病
煮一升半分三服 聖惠方 產後血氣

上虛熱在皮膚身面俱腫萎蕤葵子龍膽茯苓
前胡等分為末每服一錢水煎服 聖濟總錄

附錄鹿藥 開寶志曰鹿藥甘溫無毒主風血去諸
冷益老起陽浸酒服之生姑臧已西苗

根並似黃精鹿好食其根時珍曰胡洽居士言鹿
食九種解毒之草此一也或云卽是萎蕤理亦

近之姑附
以俟考

附錄委蛇 音威貽別錄曰味甘平無毒主消渴少
氣令人耐寒生人家園中大枝長鬚多

葉而兩兩相值子如芥子時珍
曰此亦似是萎蕤併俟考訪

知母 本經中品

釋名 蚺母

本經音遲說文作芪

連母

本經

蛄母

蛄音匙又音提或作萆

貨

母 本地參

本經 水參

又名水須水浚

葶

爾雅音覃

蒨 藩

音沈

苦心

別錄 兒草

別錄又名兒踵草女雷女理鹿列非逢東根野蓼昌支時珍曰宿根之旁初生子根

狀如蚺蟲之狀故謂之蚺母
訛為知母蛄母也餘多未詳

集解

別錄曰知母生河內川谷二月八月采根暴乾宏景曰今出彭城形似菖蒲而柔潤葉至

難死掘出隨生須枯燥乃止禹錫曰按范子云蛄母出三輔黃白者善郭璞釋爾雅云葶母也生

山上葉如韭頌曰今瀕河懷衛彰德諸郡及解州潞州亦有之四月開青花如韭花八月結實

本草綱目 草部

根脩治數曰凡使先於槐砧上剉細燒乾木白杵搗勿犯鐵器時珍曰凡用揀肥潤裏白者

去毛切引經上行則用酒浸
焙乾下行則用鹽水潤焙

氣味苦寒無毒

大明曰苦甘權曰平元素曰氣寒味大辛苦氣味俱厚沈而降陰也

又云陰中微陽腎經本藥入足陽明手太陰經氣分時珍曰得黃蘗及酒良能伏鹽及蓬砂

主

治消渴熱中除邪氣肢體浮腫下水補不足益氣

本經療傷寒久瘧煩熱脇下邪氣膈中惡及風汗內

疸多服令人洩

別錄

心煩躁悶骨熱勞往來產後葶

勞腎氣勞憎寒虛煩

甄權

熱勞傳尸疰痛通小腸消

痰止嗽潤心肺安心止驚悸

大明

涼心去熱治陽明

火熱瀉膀胱腎經火熱厥頭痛下痢腰痛喉中腥

臭元瀉肺火滋腎水治命門相火有餘好安胎止

子煩辟射工溪毒時珍

發明權曰知母治諸熱勞患人虛而口乾者加用之

無根之腎火療有汗之骨蒸止虛勞之熱滋化源

出於肺躁出於腎君以石膏佐以知母之苦寒以

清腎之源緩以甘草粳米使不速下也又凡病小

便悶塞而渴者熱在上焦氣分肺中伏熱不能生

水膀胱絕其化源宜用氣薄味薄淡滲之藥以瀉

肺火清肺金而滋水之化源若熱在下焦血分而

本草綱目卷之九上知母

藥下時珍曰腎苦燥宜食辛以潤之肺苦逆宜食
 苦以瀉之知母之辛苦寒涼下則潤腎燥而滋陰
 上則清肺金而瀉火乃二經氣分藥也黃蘗則是
 腎經血分藥故二藥必相須而行昔人譬之蝦與
 水母必相依附補
 陰之說詳黃蘗條

附方

新舊二久近痰嗽
 用白胸膈下塞停飲至於臟腑

豆三十枚去油研勻每服一字用薑三片二面蘸
 藥細嚼嚥下便睡次早必瀉一行其嗽宜止壯人

乃用之一方不用久嗽氣急知母去毛切五錢隔
 巴豆醫學集成久嗽氣急紙炒杏仁薑水泡去

皮尖焙五錢以水一鍾半煎一鍾食遠溫服次以
 蘿蔔子杏仁等分爲末米糊丸服五十丸薑湯下

以絕病根鄧妊娠子煩因服藥致胎氣不安煩
 筆峯雜興方

焙爲末棗肉丸彈子大每服一丸人參湯下醫者
 不識此病作虛煩治反損胎氣產科鄭宗文得此

方於陳藏器本草拾遺中用之
良驗楊歸厚產乳集驗方
之狀用知母二兩為末蜜丸梧子大
每粥飲下二十丸陳延之小品方
溪毒知母連根葉搗作散服亦可投水搗絞汁飲
一二升夏月出行多取其屑自隨欲入水先取少
許投水上流便無畏兼辟射工亦
可煮湯浴之甚佳肘後良方
擦之日三次
衛生易簡方
○嵌甲腫痛知母燒存性研
多能方

肉菘蓉

本經上品

釋名肉松容

吳普

黑司命

吳普時珍曰此物補而不峻故有從容之號從容和

緩之貌

集解

別錄曰肉菘蓉生河西山谷及代郡鴈門五月五日采陰乾普曰生河西山陰地叢生二

月至八月采宏景曰代郡鴈門屬并州多馬處便有之言是野馬精落地所生河南間至多今第一出
 羹補虛乏極佳亦可生噉味甘次出北國者形短隴西形扁黃柔潤多花而味
 而少花巴東建平間亦有而不嘉也恭曰此乃論
 草蓂蓉也陶未見肉者今人所用亦草蓂蓉刮去
 花代肉蓂蓉功力稍劣保昇曰出肅州福祿縣沙
 中三月四月掘根長尺餘切取中央好者三四寸
 繩穿陰乾八月始好皮有松子鱗甲其草蓂蓉四
 月中旬采長五六寸至一尺以來莖圓紫色大明
 曰生教落樹下并土塹上此即非馬交之處陶說
 誤爾又有花蓂蓉即暮春抽苗者力較微爾頌曰
 今陝西州郡多有之然不及西羌界中來者肉厚
 而力緊舊說是野馬遺瀝所生今西人去大木間
 及土塹垣中多生乃知自有種類爾或疑其初生
 於馬瀝後乃滋殖如茜根生於人血之類是也五
 月采取恐老不堪故多三月采之震亨曰河西混
 一之後今方識其真形何嘗有所謂鱗甲者蓋蓂

蓉罕得人多以金蓮根用鹽盆制而爲之又以草
蓀蓉充之用者宜審嘉謨曰今人以嫩松梢鹽潤
之僞

脩治數曰凡使先須清酒浸一宿至明以稷刷去
沙土浮甲劈破中心去白膜一重如竹絲草

樣有此能隔人心前氣不散令人上氣也
以甑蒸之從午至酉取出又用酥炙得所

氣味甘微溫無毒別錄曰酸鹹普曰神農黃
帝鹹雷公酸李當之小溫**主治**

五勞七傷補中除莖中寒熱痛養五臟強陰益精

氣多子婦人癥瘕久服輕身本經除膀胱邪氣腰痛

止痢別錄益髓悅顏色延年大補壯陽日御過倍治

女人血崩甄權男子絕陽不興女人絕陰不產潤五

臟長肌肉暖腰膝男子洩精血遺瀝女子帶下陰

痛明大

發明

好古曰命門相火不足者以此補之乃腎經

峻補精血驟用反動大便滑也敦曰強筋健髓以

從蓉鱉魚二味為末黃精汁丸服之力可十倍此

說出乾靈記頌曰西人多用作食只刮去鱗甲以

酒浸洗去黑汁薄切合山芋羊肉作羹極美好益

人勝服補藥宗奭曰洗去黑汁氣味皆盡

矣然嫩者方可作羹味苦入藥少則不效

附方

精敗面黑用菘蓉四兩水煮

四度下五味以米煮合爛薄細切研精羊肉分為

粥空心食藥性論腎虛白濁肉菘蓉鹿茸山藥

米糊丸梧子大棗湯每汗多便悶老人虛人皆可

下三十丸聖濟總錄

焙二兩研沉香末一兩為末麻子仁汁打糊
丸梧子大每服七八丸白湯下
濟生方

易飢肉莖蓉山茱萸五味子為末蜜丸梧子大每鹽酒下二十丸
醫學指南破傷風

病口禁身強肉莖蓉切片曬乾用一小盞底上
穿定燒烟于瘡上熏之累效
衛生總錄

列當宋開寶

釋名栗當開寶草莖蓉開寶花莖蓉日華

集解志曰列當生山南巖石上如藕根初生掘取
陰乾用保昇曰原州秦州渭州靈州皆有之

暮春抽苗四月中旬采取長五六寸至一尺以來
莖圓白色采取壓扁日乾頌曰草莖蓉根與肉莖

蓉極相類刮去花壓扁以代
肉者功力殊劣即列當也

根氣味甘溫無毒主治男子五勞七傷補腰腎令

人有子去風血煮酒浸酒服之

開寶

附方

一舊

陽事不興

栗當好者二斤即列當擣篩畢以好酒一斗浸之經宿取起隨

性日飲之 咎 般食醫心鏡

鎖陽

補遺

集解

時珍曰鎖陽出肅州按陶九成輟耕錄云鎖陽生韃靼田野馬或與蛟龍遺精入地久

之發起如笋上豐下儉鱗甲櫛比筋脈連絡絕類男陽即肉菹蓉之類或謂里之淫婦就而合之一得陰氣勃然怒長土人掘取洗滌去皮薄切曬乾以充藥貨功力百倍於菹蓉也時珍疑此自有種類如肉菹蓉列當亦未必盡是遺精所生也

氣味

甘溫無毒主治大補陰氣益精血利大便虛

人大便燥結者啖之可代菘蓉煑粥彌佳不燥結者勿用震亨潤燥養筋治痿弱時珍

本草綱目第十二卷上終